





樂函

鞭心入理寫志歸天司馬



子長以史傳李謫僊且以  
詩傳也非不極深研幾而



人情世故一經指拈皆足  
霸竅

灤源年臺殆人中之僊歟  
何著述若是其富而詩飄

飄若行雲流水不可形象  
求之也迹其怡情古史託  
念長嘯樂府直逼元人詩  
評史函耳譚詩餘以及呂



洞賓諸雜劇百花洲諸傳  
奇莫不獨抒新裁逞姿鬪  
豔現身說灩狐騫夷猶昨  
願辭百里追蹤蘇湖而未

之果其爲政必因天宜物  
鳴琴化洽指日決也治績  
報最

天子願以風雅治天下其必



以此編爲彌首而余玉署  
詞章亦藉以有所媿上也  
已

聊攝眷年弟傳以漸

星巖甫拜手譔弁

書





灤函題詞

奕繩年丈抽于鱗簞扇者已

廿年所典冊高文衆推無許

有韻之文其一斑耳然

顏轅謝已足領袖羣英



繩高情霞舉雅不欲以簿書  
民社點冰雪胸中疏請改秩  
不獲

命客有代為慮者曰一行作吏

案牘攢眉老吏抱尺一紙魚

貫而前頓令文通夢裏歌毫

禿如苾蒞敲朴調塘自足成

清商一部然已鼓吹詩腸難

矣難矣吾意奕繩之以政廢

詩也不然豈以詩廢政左



曾劉而右龔黃乎予曰唯、  
否、畫戟清香韋蘇州勝情  
伊邇香山玉局妙墨徧西子  
湖頭都從六條三刺之間

為藝林琰琬不必待鳳池綸

閣後乃詫九天珠玉也譬之

山水棲懷者鳴琴通其佳賞

畫壁侈于冥遊豈玄香納須

彌之胎嶧桐會星宿之位乎

蓋夙契永懷無適不遇故耳



且豈惟無廢政是虞也夫溫  
柔敦厚者詩之質而其用則  
賢於博達而經務起予知來  
之詔尼山風雅夫寧粉題為  
妍妙解連環周通五際亦游

而風成所云剌鐘之斷非歟

奕繩良

襲躬既育其質矣

而經術湛深庶幾達藝吾知  
江漢南服哀然稱大雅之才  
而以詩治最者必首屈指無



疑矣甘棠云邈姑不具論閔  
勞頌德弘翼貉丘禁火跂于  
來輶統鼓依于太鷄知必與  
于為之工清歌競節春陵之  
什仁響分毫矣他日採風薦

廟嘗有珥筆而紀其盛者

丁亥孟春淄水年春弟東蒙

逸叟高珩撰





灤函序

余兄性耽書史少負逸才賦質秀靈  
溫文雅厚髮甫及燥即嗜古文辭立  
志高遠千穉自命慕吾鄉殷李邊許  
之芳踪著書一室緗帙稱富鵠袍廿  
有餘載從不干戶外事覩青紫一途  
澹如也余兄弟乳胞同氣情兼師友



風雨連床不離跬步一自佩衿食餼  
無非吾兄耳提面命至歷下文獻亦  
惟推吾兄爲主盟爾時檢括巾笥之  
著述議梓未果並欲廣羅古今上自  
五經下迄樂府手訂目校成集灤函  
評隲免就恭遇

新

朝開科名雋春闈一行作吏首仕臨

川於時道虞梗阻余亦間關偕從携  
全稿而南也初意政績告成勉終前  
業詎料變起西江全省鼎沸干戈雲  
叢僮僕星散顛踣困憊奇險備嘗余  
之不即殞滅者亦岌岌僅如毛髮及  
余兄睢陽憤烈捐軀殉忠方是時也  
余惟號天慟地期收兄骸於殘土當



即屏跡絕世誓不復預人間事正爾  
圖歸無計忽

朝廷優卹之命下矣

功令森嚴奚敢自諉可痛者吾兄生平

著作之勤一罹兵燹蘇典切先上声野造散失殆盡嗟乎

哉向議授梓而既失於遷延繼欲刻

傳而復值此離亂豈造物之忌其成

耶過此不修將與烟艸同燼以故十

餘季來索之廢簏之中訪諸同儕之

藏心竭力殫幾費購求近於平署之

暇與友<sup>友</sup>人邢子琬薛子霽任子青箱

繕寫校定補綴成篇自冬徂春厥事

方竣叙次數卷盡付剞劂實不能百

之一二廣流寓內聊以副吾兄未竟



之志亦聊以述余不肖成吾兄未竟  
之志云爾謹序

順治歲次庚子孟夏<sup>夏</sup>之念有四日

弟承祧拜手謹撰



樂函總目

濟南

葉承宗奕繩著

葉承祧奕紹較

男青箱世絨

侄青藜世光 緝

友人

邢琬命石

薛霽絳生

仝訂

卷一

五言古



五言排律

五言律詩

卷二

七言律詩

卷三

五言絕句

七言絕句

卷四

四言詩

雜詠附

卷五

詞

書札

書啓

耳譚附

卷六

序

卷七



序

卷八

詞引

卷九

記

疏

卷十

樂府

雜劇

總目止

樂函

五言古詩

綠窓怨

蘇武

秋意

避暑

張巡妾

刈麥

過臥牛山懷雲芝先生



種梅篇

舟行值雨

挽王百斯三烈

河西道上朔風

江宵苦雨

泊南康望匡廬

五言排律

登華不注

酌突泉

夏日同張伊潛諸公明湖小泛

人日觀梅

哭張孟育百韻

哭鄭秀才

乙酉秋初同王仲伸泛舟北上

別八孝廉十二韻

渡黃河

裕溪候風

五言律詩



金線泉 二首

灤口道上望嵒山

望華不注

喜酌突泉復盛

三月晦日同李慈岩諸君飲北渚精舍

明湖秋望

杪秋訪友近北渚

杪秋望嵒山

望華不注

藕巷居聽雨

殷相廢園歌石 二首

送客東城還赴北園之約

端午薄暮同諸友泛舟明湖

夏日同張思皇父母泛湖

碧筩飲

既夕下舟信步至水雲亭譚飲

伏日藕巷居同王高諸子聽雨

晚宿虞祥所



初冬訪平子于城陰別墅水濱痛飲

訪張覺斯別墅

劉同虛堰鎮別墅

道望華不注

水潮庵二首

飲木仲緒營別墅

早發平原道

把釣村

清泰庵旅息

雪

新月

又見月

大雪

閏元宵

歸自都門望見家山

和吳補菴郡伯遊焦園韻

元日大雪

廣川道上逢人日



賦得春深五鳳城

三月晦日南郊眺望

題通州梁生書舍

同劉光宿年兄泛舟東還

舟行即事

晚泊獨流

獨流早發

舟中賦贈劉光宿門兄

月中泛舟

舟行玩月

二首

旅夜

宿天津

鮑山

清江浦南發會大風雨泊舟二日

二首

清明日儀鎮買舟渡江

大江煙雨

過小孤山

過大孤山



沅鄱陽湖

樵舍聳鐘

鄱湖烟雨中但見雲端廬山絕頂

兒子青箱還濟南五首

旅懷

送弟奕紹東還

端午毓祺招同光宿飲

七夕旅息

柳葉桃

九日二首

賞菊二首

問梅二首

蒼朝雪中南發

送史念冲郡伯之南昌

又代

餞朱彤廷父母

壽韓長孺年兄

壽鍾文子司李二首



壽喬明府二首

代壽學憲房母

萬民贈幃

雪中抄王夫子存年出

從虞祥所借抄王夫子勝引樓詩

賀袁六完父母長公游泮

賀艾蘭如公子允霞游泮

謝生游泮

賈方揚公子游泮

又代

劉波海次子游泮

郝長卿令弟游泮

學宮號舍

賀鄧弁

賀賈弁

郝木仲舉次孫

李斗虛舉三子

輓趙啓之二首



田家四首

從周際五方伯禱雨正覺禪林

河上曉陰

灤函

五言古

○○○ 綠窓怨

綠窓有美女。對月倚流黃。織成合歡被。上繡雙鴛鴦。寂寞無復理。浮塵滿空牀。中夜起長歎。淚下霑衣裳。

○○○ 蘇武

濟南

葉承宗奕繩著

葉承祧奕紹較



慶時節。綏新歸。來節綏。槁還節。茂陵下。淚濕陵。  
邊。州別君。十九季。君。臣亦老。心憶河梁詩。羞  
向庭臣道。

法黃石曰氣脉逼古

秋意

蜚鳥依叢林。願言託微翼。一夕秋風生。林木變  
容色。豈不愛羽毛。欲留弗可得。日暮同羣遊。相  
顧不相識。

避暑

宿醒近夕歇。赤輪過午烈。移簟北窓間。薄言避  
炎熱。好風吹夢醒。蕭然自怡悅。陶令羲皇人。茲  
言洵奇絕。

張巡妾

生小爲君妾。未能報君恩。君意在殉城。賤妾復  
何言。獸憐妾身癯。何。呂徧。轅門。妾肉佐士餐。妾  
心君自吞。但使孤城在。妾死如猶存。中宵和聲  
笛。彷彿識妾魂。

孫毓祺曰更自動人心魂



刈麥

刈麥華山下。日暮言歸遲。晚炊進麥飢。食之甘如飴。荒邨無完屋。託宿欲何之。薶莖積如墉。依之結小茨。長耒為我棟。束藁為我楹。扶服一以入。嗒馬竟忘疲。中宵豎飯牛。驚我清夢移。皎月自南來。照我華山陲。四顧發長嘯。感興聊賦詩。無人解寤歌。明月澹相窺。

懷麗明日聲情韵味宛然栗里

過臥牛山懷雲芝先生

茲山亦秀特。蹲伏當孔路。嘉名曰臥牛。羽翼華不注。我輩雲芝翁。讀書于此寓。夜半逢異人。受書發霧悟。占彼采芑僧。遂定來生數。公太二百季。清風動遐慕。此山今尚存。高人胡不顧。荒寺斷鐘鼓。空谷走狐兔。爭知世緣親。不恤山靈怒。茫茫市廛中。神僊焉得遇。

王雲芝先生成化殿試第三人讀書此山遇異人授書後多奇蹟事見本傳

○○○王攀也庭梅將開黃雀啄之殆盡為種梅



篇目慰之

范披巴切音帕  
衣貌

種梅三十季。愛護匪朝夕。凌冬欲作花。黃雀來何賸。暫驅還復臨。厭聾聲喑喑。豈無矢鼻丸。為花不忍射。憐此香艷姿。何以當羣翮。北渚有宿葭。西疇有伏麥。果腹自有資。啗此復何益。蠢茲羽毛流。嬌葩不解惜。徒使耽花人。對之長蹙額。安得遠羣鷺。獨對寒香適。

舟行值雨

十四日發自滄州得客字

河上態屢變。禿意娛遊客。奇峯渙叢雲。瀟瀟降靈液。急霖變波痕。蜚澍侵牕隙。孤舟泥檣帆。榜人盡襍禎。踈篷虞滲漉。覆且方文席。移几罷棋枰。擁裯觀戲劇。亂烟隱荒邨。一艇達水驛。湏臾羲輪出。雲水澹將夕。陰晴詎有定。行止任所適。它日風塵道。勿忘此泛宅。

挽王百斯三烈

桓臺有真氣。殉烈一何酷。于嗟百斯君。可以立臣鵠。學詩自庭趨。教忠緣世篤。劉向藜已燃。桓典驄難觸。抗章闡幽貞。浮雲蔽忠告。一朝辭禁



聞言歸錦烁曲。疏傳正懸車。槐堂樂事足。刑死  
忽舞千國步。倏云促。鼎湖弓莫攀。秦廷泣誰屬。  
呼天計無之。願言從鬼錄。未遂滄海航。弗就汨  
羅浴。初欲航海又欲猴冠居上座。薦紳盡狂獄。  
吾家世受恩。此身焉可辱。有弟奉親闈。死忠父  
所欲。帝秦慟魯連。下畫殉王蠋。夫妻組一同。父  
子纒相續。雕梁雙練影。千秋忠義束。孺人長君  
烏衣燕語哀。青氈汗猶沃。黎丘形已幻。精衛恨  
難歇。良人既以藏。百身奚可贖。所幸發孫枝。猗  
猗如竹綠。抱置朗陵膝。聊慰西河矚。貞心對先  
皇。烈性激流俗。芳躅先家乘。徽蹟存史錄。男兒  
欲致身。君能了此局。弄君同蘭籍。道義時相勗。  
瑤琴已絕絃。佳城竟瘞玉。作歌當招魂。君還聽  
此不。

韓長孺曰。叙事慷慨。引用精確。筆挾霜電。貌  
死如生。百斯有靈。應含笑于墓下。  
霍劍寒曰。吾家世受恩。四語直將百斯心事  
寫出。英爽如存。故應不昧斯語。



高念東曰可泣鬼神大類少陵夔府諸什

○河西道上朔風三十里

朝發北蔡村。迺循河干。逐朔風。挾水勢。猛力向人。扑揚砂。蔽耳目。栗列侵裳服。時還吹帽款。侶朝華髮禿。手忘轡與策。但護左右幅。陰霾斷俗伴。岐路失僮僕。河畔有重冰。古林多朽木。我身匪金石。馬受狂飈觸。于嗟亦誰尤。無迺自貽蹙。朔風三十里。前邨帘影復。下馬入鑪頭。如瓜萬間屋。濁膠狂呼熱。聊且盪寒腹。日中風未息。言

就○此○中○宿○長○安○雖○在○望○欲○至○不○得○速○咫○尺○不○可○測○前○途○馬○能○卜○

○江宵苦雨

暮泊紫沙洲。亂烟釀暝色。艤舟方就岸。風雨來何亟。電劃大江明。雨驟篷窓逼。霆威襍江聲。羣鷺奪睡力。擁綯苦滲漉。挑燈勤拂拭。開窓試一窺。萬里叢雲黑。久客厭淫霖。願言得小息。無聊但晤歌。慷慨抒胃臆。

○泊南康望匡廬



扁舟艤平塘。雙帆憇石磑。開窓眺湖光。宛鼻匡廬對。雲間五老峯。拱揖酬盼睐。紫氣抱香爐。白雲何變黠。將為康樂遊。謹奉坡公誨。欲識真廬山。不在廬山內。

五言排律

登華不注

我愛華不注。茲峯何秀特。奇巒變形勢。怪石殊顏色。鳥道荒蔓紫。蟲跡積雨泐。懸崖疑無倚。疊嶂如相逼。探竒歷嶇嶇。轉徑入幽仄。逡巡履峯

泐与泐同  
登其印旁水  
今改又雁位切

脊攀援摩山。肋凭高發長嘯。遇坦得小息。傍矚峭峰聯。俯瞰濟河直。日夕望風發。為我生羽翼。葦有贈鹿翁。求之不可得。徙倚晚烟中。曠懷誰復識。

韓長孺曰。置身丘壑中。為之寫炤。何城長康之畫。

王仲伸曰。華不注山。亂石堆雲。峻嶒而起。石色殊不類。它峯靈迥。超忽蓋不徒如芙蓉之挹其秀。拔而連陵之嘉其孤峭已也。嘯史貌



寫山容便欲吸其神髓。余家山麓朝夕登眺。直覺好景當前。嘯史已題詩上頭矣。  
劉東華曰：標格高嚴，琢句奇峭，直凌漢魏。小亦康樂山行諸什。

○○○ 酌笑泉

齊門有畸人，生長灤源里。閱水識形勢，探源得神髓。奇瀾激三峯，海上神山侶。峨嵋雪恒翻，廣陵潮未已。車輪涌不停，珠樹紛相峙。瀑蜚月亦碎，濤壯風難靡。霧窟漱寒玉，餘波搖紋綺。冬泉

沂水溫香味，中泠美綠幻。領竒態臨喧，悟靜理。奔流引曠懷，清響砭塵耳。豈必溪畔茶，泉旁原有茶樹但飲波心水。定能浣俗腸，居然英多士。

○ ○ 夏日同都門張伊湄南昌張公理陽丘李

放公明湖小泛 庚辰

嘉辰羣彥集，鼓棹明湖半。微波受清颼，芳洲點皓翰。水潤蓮葉平，魚躍蒲芽亂。葭莢界橫塘，垂楊迷斷岸。紅粧水際明，靚服風前爛。驪唱怯輕喉，鷓絃宜素腕。吹簫送遠音，吸水成新盥。澹烟



襟夕炊。遠山來。几案歸。鴉棲暮林間。艇依淺灘。  
立馬不忍行。目送沙鷗散。

霍劍寒日艱中公諫之遺

○○○人日觀梅薄暮小雪

脩條倚東風。嬌萼紫南枝。奇葩何明潤。容色獨  
華滋。藻宮塗黃額。雒女展輕頤。縱橫蓋珠佩。飄  
曳縷金衣。群芳知競爽。獨此擅先時。酌君人日  
酒。暮雪正霏霏。

○○○哭張孟育百韻  
余當剥膚恨不得同孟育  
死及章結纓又恨孟育不

歷亭文氣薄。遂令子長眠。誰曰非關數。余還欲  
得同余生病楊深念念轉涉泣使利  
為之贊五日到孟育宅感事悲慟為作  
滿江紅一闕近呂長君命既誌且銘埋  
玉期臨執紼悲連則又哭以一韻

問天君才邴。得爾吾道適。應然思子慨。長慟哀

嗟。贈大篇。軒轅開世胤。弓矢肇家傳。本自廣川

族。昔來歷下遷。雙鳧綬若若。五馬轡翩翩。曾祖

州牧里著鳴珂。美人驚夢驚。翔幽亭。惜水曲家

世。歷山巔。美玉元生璞。明珠解出蟻。蓮花思秀

麗。楊柳憶芳妍。志在羲皇上。文探丘索前。較書



分甲乙。學易得坤乾。常索經年絕鉛硃。滴露研  
惟遵輔嗣注。怕守紫陽談。詩紀人皆韻。史評筆  
有權。充宗真嶽嶽。邊子自便便。生性緣書癖。人  
言近墨癩。奚囊函玉軫。艷架貯瑯嬛。富擬百城  
敵。文應四部全。積書不下數萬卷茶鑪蟹眼沸。香篆水  
沉煎。牕蕉濂溪艸。盆滋玉井蓮。間摹名帖畫。靜  
玩古圖鐫。冥寄獸甘素。探竒人問玄。披帷相向  
笑。下榻若為延。辭劇頻呼酒。譚超竟類禪。騷經  
酣即熟。諧史醉恒宣。某集尋佳句。何文得異詮。

傳疑若字舛。耳食兒人愆。殿擲傳令急。題分限  
韻端。投壺擊薛鼓。緼瑟藉蘇罇。對酒看雄劍。懷  
人憶翠鈿。看花香習習。留月影娟娟。撫事交相  
屬。譚心各自憐。每經窮夜漏。還弄惜流季。偶醉  
習家沼。時尋戴子船。偕聽北渚雨。同挹華峯烟。  
歸語山公婦。迺言阮籍賢。黛眉春淡掃。青案曉  
常虔。甲子齊賢雋。春秋鄧禹先。甲子鄉薦年二十五雨餘  
覘鮒潤。風積看鵬騫。見兔還思杯。獲魚已舍筌。  
新綾供度曲。美錦作頭纏。不逐紛華悅。由来道



力堅十季仍不字。三刑志寧辱。事業慚別駕。功

名讓惠連。從兄明額吾徒皆偃蹇。久亦忘迍邐。

還我詩書債。留君山水綠。嘗窮燕市酒。識徧雒

陽韜。七日書怕曬。半生硯欲穿。未膺新紫綬。猶

有舊青氈。嘯傲明湖上。風流我輩偏。看余為壘

霍。任它亂鳴蟬。天步俄傾濟。征塵已過燕。角笳

聲烈烈。羯鼓震闐闐。蜚陣連城邑。雄風度陌阡。

甲兵防別境。粟米實新廬。烏合名空萬。客兵數

恹千。為謀方築舍。臨敵未更弦。孱卒心先戰。援

師股已酸。淒風吹空釜。僵手恹疆隰。士庶頻更

守。紳衿屢議蠲。枕戈宿冷舖。仗劍閱窮埏。殺氣

城隈合。悲風戍士悵。投醪不挹水。施被厚加緜。

時作三軍犒。晨傳多士饘。時守南城。施被數十

士。燈炷亂燎火。慧孛入星躔。幅閒日必。且酒食犒

盡退旋。隻身還自勵。孤掌欲誰牽。甫振睢陽舌。

先戕卞路咽。傷哉魂萬里。翻恨步邯鄲。橫客嬰

霜。办杞妻。斷雪縷。孺人費負屍歸正寢。厝襯得

雙駟。鳥集多聯翼。民今有比肩。菘弘血自碧。張



老劍猶懸生月同麟紱歿時迺犢鞭已卯正月十一

女縈知慟意顏母亦悲淵太孺人慄黯華峯色

淒迷纓水漩知君久厭世今日果登僊子死作

何狀一生事已竣胡寅相遇否嵇紹想逢旃有

五人詩酒社胡昭來嵇珊楓冥府難憑學泉臺

也索錢若聳近日者有及五人馬同袍十九舊

會相知少新聳可駭駢曉階叢玉桂秋閣貯金

荃惜渚新成眺鮑山近可佃室無回祿恐書免

祖龍燃鳥入空巢裏燕來故壘邊爭知人侶鳳

不道命如螺遺跡歸遼鶴芳魂泣蜀鵑黎丘橋

暗渡精衛海空填孫楚情尤惻葉琛涕既漣塵

隨棺可瘞琴鼻主俱悛屢睹空梁月時尋笥角

箋別君心覺淡經變病難痊怪我精神減緣君

意氣鮮鴻毛能續命雞肋每安拳臥榻私為贊

登堂曲亦編邵來移式駕期死絕牙絃痛哭斯

人逝慙看芳艸芊

孫毓祺曰胡元瑞謂長篇最易意復惟此據

事直書斷金之情剝膚之憾絕絃之感靡不



畢具警則長河九曲實則一氣孤行孟育為  
吾兩人石交葭戚而博雅又為嘯史所推故  
叙置娓娓聲情猶有餘慟

劉東華曰披帷一段叙兩人莫逆光景如画  
第奕紹曰末一段哀音感節直寫當季情狀  
竟可補一則歷亭小史

其伯升曰讀余師大篇忠憤激壯悲歌流連  
即大招招魂多未逮之語今古人豈相讓耶

哭永季鄭茂才

德行君居最無惑君必哉好施如卜式高節擬  
澹臺斯人有斯疾多藝復多材兆違天上桂識  
作夢中槐蠲販孰堪共干捫邨可諧霧椿空嘆  
室釋筍始當階自為玉樓去寧堪石柱埋邨山  
靈氣隱滄水碧湍哀哭子輒長慟思君憶于憲  
英魂無南北將復爾能來  
○○乙酉秋初同王仲伸泛舟北上  
天上弓旌逼門前轍跡深得朋行呂類利涉有  
同心月令方流火交情久斷金揚鑣周道左買



舫大河潯。水浮長岸。齒風透薄襟。中流恒擊楫。夜雨每聯袂。審勢圖行止。抒懷論古今。囊書交換讀。好句後先論。啓牖吸涼月。鳴榔動宿禽。擁裯清夜短。振袂曉星沉。偶爾行河許。時還臥茂林。盪舟華黍地。沽酒綠楊村。魏闕望中近。鄉關夢裏尋。男兒感意氣。君子重知音。它日高軒上。無忘壠畔吟。

王仲伸曰。字字肺腑。流出奕奕清勝。井伯升曰。才深自古。人情深亦自古人。

別八孝廉十二韻

鼻君文社處。迺在百花邊。藕挺千尋節。荷呈萬選錢。虛亭來水色。彩筆泛雲烟。擇勝奇居最。命名致自鮮。問從成竹後。意在發花先。雒下紙逾貴。咸陽金可懸。充宗真嶽嶽。邊子自便便。自恐朱成碧。知君白已玄。相憐郢里曲。為憶伯牙絃。河朔人三五。新豐酒十千。何當歸闕太。盡獻聖人前。

渡黃河



初渡黃河水混茫入望中驚濤流日夜灑氣薄  
烟空湍悍容千變瀾迴勢一同波迷春水綠潮  
射夕陽紅未睹龍門險先疑銀漢通大觀開眼  
界奇氣貯心甯九曲渺何極一篙未易窮安能  
泛槎去直入斗牛宮

○ ○ 裕溪候風

涉川如登山。過坦宜小息。沂流深巷中。艤棹清  
溪側。遊子玩烟景。舟人候風色。岸花不知名。溪  
雲如相識。行止非所擬。陰晴幻不測。雨歇遠山

青雲來大江。黑既笑片帆。閒復妬來航。亟願言  
借長風。為舟生羽翼。

五言律詩

○ ○ 金線泉

惟○有○此○園○林○偏○宜○寄○遠○心○竹○充○叢○叟○翠○潭○影○澹  
浮○金○牽○孖○魚○分○綬○依○枝○鳥○盍○簪○幽○篁○長○嘯○後○流  
水○入○鳴○琴

○ ○ 二

曲水引霏泉。水絲波際懸。鶯簧高柳外。蛙吹古



塘邊倩月留松影披襟受竹烟青青看不厭徒倚竟忘眠

高念東曰倩月二語習渺清逸故當壓卷

韓長孺曰竹光竹烟字新

孫毓祺曰娟秀

劉東華曰金線泉方塘湛澈有金線浮于水

面故曾子固詩有界破水鋪一片天句今過

客所詠大抵皆高柳脩篁耳嘯史家在比鄰

故能為泉寫生面

灤口道上望嵒山有扁鵲丹竈

濟北奇山聳無峯勢自裁遠烟連華巘孤嶂插

清河世變松楸盡山空鳥鵲多山上病夫還借

問丹竈近如何

甘伯升曰風格渾成語皆實錄

遂望華不注

遠眺華不注風光勝已登孤高如削壁峭拔不

連陵烟抹新眉黛雲銷瘦骨稜風塵望不極芳

榭隱千層



郝木仲曰勝已登妙不連陵尤妙

喜。躑。突。泉。復。盛。乙酉春酒季夏復高火許

中。夜。晴。聳。雷。三。源。驀。地。來。花。翻。珠。樹。聳。波。湧。玉。

壺。開。匪。但。甘。霖。力。還。應。元。氣。回。盈。虛。知。有。數。對。

此。且。銜。杯。

霍劍寒曰有當年一言便覺此喜匪關趨附

。三月晦日同李葱岩王仲伸劉光宿飲趙

啓之北渚精舍

葭。陣。界。橫。塘。蘿。痕。翳。女。牆。沙。明。排。鶴。陣。風。急。亂。

鶯。簧。畫。舫。烟。中。遠。虛。亭。霽。後。涼。多。情。堤。畔。柳。猶。

欲。繫。春。光。

。明湖秋望

湖。上。秋。容。老。鷺。看。景。物。非。葭。飄。閑。子。絮。荷。剪。屈。

平。衣。露。重。寒。蟬。咽。霞。明。孤。鷺。蜚。烟。波。望。不。極。徒。

倚。對。澄。暉。

。抄秋訪友近北渚

波。間。開。一。徑。屋。角。繞。橫。塘。柳。暗。猶。憐。色。荷。殘。未。

褪。香。平。橋。秋。艸。白。曲。岸。晚。葭。蒼。立。馬。還。長。眺。寒。

友



烟亂夕陽

韓長孺曰柳暗二語蒼然有骨品

。杪秋灤口道上望峭山

馬上看山色。峭峰入望間。華陰惟此巘。濟北更

無山。平阜霧鳥集。清流賈舸還。為尋丹竈跡。乘

興欲登攀。

。望華不注

山。孤為韻。茲山物之尤。巖幽如欲暮。峯瘦最

宜。秋倒影。落寒水。浮烟冒古丘。憑軒一以眺。興

不減登遊

。藕花居聽雨。即事初伏日

香。靄織方塘。虛亭受晚涼。霧中縈柳帶。烟裏認

蓮。房觸雨。荷聲急。因風葭陣狂。碧筩休勸飲。吾

已。翠蒼茫

。酌水之干殷。相廢園有靄石。是元張文忠

公石。爻之一。高數尋。翼曰古柏。數章有

人伐木。石歌荒園

此石當盛際。蜚價等身金。附柏存青嶂。依苔近

峭山名

冒同羅



綠沉神全烟霧歛。耻受薜蘿侵。一自高人顧。應  
酌。白。霜。音。

二

酌水不終涸。茲峯寧久歇。擬將袍笏拜。恐令鉞  
旄隨。低徊公相圃。徒倚丈人畦。煉石需名手。豈  
君高臥時。

郝木伯曰江上琵琶行異調而同感

郝木仲曰題妙甚詩鄭重亦復風流

送客東城還赴張平子北園之約仲冬

送客東城路。還趨北渚。招清流。明埤堦。古墅隱  
圯橋。荒沼當蓬戶。寒林抱艸瓢。從來耽野興。午  
夜未旋鑣。

端午薄暮同諸友泛舟明湖

良辰理桂楫。薄暮放舟時。蘆隙迴風細。舟行覺  
月隨。長堤亂螢火。宿鷺隱漣漪。莫漫停浮白。碧  
筩未可持。

夏日同張思皇父母李放公盟丈泛湖  
小泛明湖裡。停橈近水關。葭叢迷斷岸。樹杪出



遙山波滿紅蕖潤風恬白鷺閒  
茂先今政暇樽酒幸相攀

碧筩飲

葭岸維舟處相將泛碧筩  
羽傳香柄曲鯨吸翠盤  
空楊柳驕人醉芙蓉妬臉  
紅伊誰知此樂惟許鄭公同

既夕下舟信步至水雲亭譚飲至醉

下舟日未暮忽憶水雲亭  
躡履登高徑依欄掛小  
餅規池如鏡滿嬌柳  
侶看青譚竟發長嘯乾

坤歎獨醒

伏日藕花君同王京也高虞祥鄭來亨趙

君孚聽雨

偶自東城來興言至河滸  
故人迂清風佳客聽新  
雨柳憑翠帶颺蓮學霓  
裳舞烟歛覺溪明輕鷗  
抱淺渚

晚宿虞祥所

日暮欲歸去相將過比鄰  
折巾初擬郭下榻又逢  
陳涼月客邊滿踈鐘霽  
後新黑酣纔一覺疑



是葛天民

○○○初冬訪張平子于城陰別墅同李高諸子

水濱痛飲

孤亭懸水曲。古木抱烟村。水躍魚超距。洲寒鷗

負暄。令繁喧客坐。觴急促朋尊。忽見南枝鵲。辭

巢聲自吞。

時平子避居寄此

○○○訪張覺斯別墅

鬱葱遙入望。已覺曠懷生。入墅無它姓。問村有

古名。重樓納爽氣。老樹掛秋聲。聳說鳴珂里。于

今好侶卿

○○○劉同虛堰鎮別墅

世家灤水北。別墅華山東。事業自能立。聰明迥

不同。樓開黛色入。巷轉清流通。此地饒風氣。君

應羽翰翀。

○○○道上望華不注

道觀華不注。爽氣沁詩脾。水落野容靜。山癯秋

色宜。嵐光連遠巘。清影下寒漪。是處真堪隱。昏

塵空爾為。



水潮庵

○ ○ ○ 水○潮○庵  
○ ○ ○ 松○竹○叢○幽○徑○水○潮○結○古○庵○泉○聲○續○梵○磬○雲○影○護  
○ ○ ○ 經○函○風○靜○鳥○鳴○蘇○嵐○澄○山○照○龕○年○季○灤○上○月○常  
○ ○ ○ 供○老○僧○參

二

○ ○ ○ 孤○刹○插○天○際○羣○峯○入○望○遙○臺○高○偏○受○月○門○起○每  
○ ○ ○ 通○潮○看○竹○扶○筇○杖○栽○詩○貯○茗○瓢○山○僧○出○送○客○時  
○ ○ ○ 過○虎○溪○橋

飲却水仲年兄褚營別業

○ ○ ○ 別○墅○綠○陰○聯○虛○亭○納○曉○烟○松○臺○環○翠○幃○荷○沼○貼  
○ ○ ○ 青○錢○蝶○拍○迎○歌○扇○鶯○簧○襍○韻○絃○客○觴○元○未○歇○蛙  
○ ○ ○ 鼓○莫○喧○傳

早發平原道

○ ○ ○ 策○蹇○凌○晨○出○微○微○月○影○殘○曉○寒○塵○陌○淨○秋○爽○客  
○ ○ ○ 衣○單○露○艸○霑○如○雨○烟○林○抹○侶○山○裊○鞭○詩○思○發○渾  
○ ○ ○ 忘○路○行○難

把釣村

○ ○ ○ 柳○色○蔭○方○塘○蘿○痕○翳○女○牆○魚○依○萍○作○鑑○鳧○借○藻



為裳烟氣晚來合。波光霽後涼。持綸宜此地。長  
嘯水雲鄉。

○ ○ ○ 清泰庵旅思

即次羈禪榻。風清竹院幽。蓼花媚夜月。蛩語報  
新秋。梵唄座中靜。笙音枕上愁。自憐雙鬢失。不  
獨羨緇流。

○ ○ 雪河間

出門見新月。中道見新雪。地滑蹇蹄遲。手寒鞭  
力竭。枯林微霰綴。曠地蜚塵絕。不道北風涼。披

裘承玉屑。

○ ○ 新月禹城橋

今年初見月。今月初離家。抵暮發新彩。長禿印  
淺牙。平橋輕着柳。古蹟淡籠沙。待到長安日。還  
君滿素華。

○ ○ 又見月

幸又見新月。乘寒度小陰。清光搖雪色。娟影漾  
天心。皓彩明春艸。疎星動夜禽。靜看還不厭。清  
思澹相尋。



○ ○ ○ 大雪

啓戶抒長嘯。同雲鬱不開。霏微初綴樹。歷亂已盈堦。酒力輸天氣。詩情冷客懷。何當蜚鴈影。猶逐曉寒來。

○ ○ ○ 閏元宵 燕邸

聖主恤民力。燈宵禁再行。重輪光帝里。閏月紀王正。六巷停儺鼓。初更鎖禁城。百年空一見。閒煞月華明。

郝穡清曰三四冠冕典雅

韓長孺曰掉尾韻遠

○ ○ ○ 歸自龍門望見家山

○ ○ ○ 歸自龍門望見家山。○ ○ ○ 太都纔七日。故里近還賒。見雁知爲客。看山如到家。惟懷庭際樹。懶睨野橋花。塵袂休輕拂。殷勤待絳紗。

韓長孺曰看山如到家情景逼真

霍劍寒曰見雁知爲客更有深味匪以客莫

曉

○ ○ ○ 和吳補菴 肥伯遊焦園坐杏竹茂密處韻



朱轡尋勝槩。偶入辟疆園。白鳥食松子。黃鶯喚  
竹孫。篠深歎氣靜。林密綠陰屯。坐久還長嘯。幽  
懷誰弄論。

元日大雪

元日同雲集。霏霏雪陣交。有梅堪鬪出。無絮也  
疑飄。潤逼椒盤冷。光浮彩勝搖。春來初命酒。新  
試有年謠。

廣川道上逢人日

振策廣川道。雪痕淨陌塵。今年初作客。此日恰

逢人。占歲晴徧好。迎暉暖更親。壚頭沽斗酒。馬

上酌陽春

賦得春深五鳳城

帝里驚新候。階。莫。已。度。三。日。長。容。柳。臥。春。滿。恣。  
鶯。酣。蜚。莢。驕。池。荇。游。絲。妬。豎。蠶。願。隨。戴。仲。若。林。  
際。携。雙。柑。

三月晦日南郊眺望

久客驚春暮。相將至舞雩。嬌鶯啼日懶。候鴈受  
風疎。蜚絮如兒戲。游絲屬子虛。凭高聊悵望。無



計駐春餘

題通州梁生書舍

芸舍傍椿庭。朝昏受一經。階閒怕訓鯉。室小足藏螢。冀北多名駿。日邊聚德星。鵬蜚宜弱冠。館閣重李青。

同劉光宿年兄泛舟東還 夏五

連袂旋東國。蘭橈渡水津。舟行移岸艸。雲影蘸風淪。盪漿驚鄉夢。牽絙仗榜人。溯洄憇道阻。坐隱幸相親。

舟行即事

為復避塵陌。川程阻且長。兩旬舟楫興。千里水雲鄉。岸艸夏尤綠。篷風午亦涼。冠纓如可濯。吾欲賦滄浪。

晚泊獨流

暮泊獨流渡。輕舸艤岸橫。澄潭溶素月。艷舫閃青燈。烹茗酌宵話。蒹蒲佐晚羹。推窓還遠眺。籟寂迥無聲。

獨流早發



扁舟隨意泊。夢覺曉風侵。解纜驚邨犬。張帆動宿禽。疎星平野曙。薄霧大河陰。舟子乘朝氣。頻宣款廼音。

舟中賦贈劉門兄充宿與子僊舟共。關河興不孤。旅懷譚不盡。鄉夢訴相符。窓日窺棋局。溪綸入畫圖。榜人識客意。頻作順風呼。

月中泛舟 夏五十三日將近滄州即次程猶遠。河聲入夜幽。舟逐風作翼。水得月

生。睥天朗宵疑晝。晚涼夏侶烁自憐。逆旅客何幸此清遊。

舟行玩月 十五日將至蓮窩

千里程將至。一規月亦圓。素輝明遠墅。金屑媚澄川。既望充逾滿。深宵色更妍。經旬謝皓魄。常傍旅人船。

二

孤舟仍夜泛。漸覺晚涼侵。風動舟臨岸。天空月照衾。清光涵水色。娟影慰鄉心。靜對渾忘寐。扣



舫試朗吟

○ ○ 旅夜

禪榻短長夜。遲迴難及晨。寒驚鄉夢醒。宵迥唄音真。涼月客邊滿。踈鐘霽後新。擁衾怕不寐。觸緒亂紛紛。

○ ○ 宿天津

即次臨雄鎮。人家憇此宵。簫鳴津泊月。鐘動海門潮。久涉厭舟楫。初冬換斗杓。獨憐千里外。鄉夢益迢迢。

○ ○ 鮑山

是叔牙食邑或曰即分金處

風雪叔牙城。春巒映客程。黃金贈知己。白首見交情。世遠山留姓。田空邑有名。顧瞻青一點。感慨憶平生。

○ ○ 清江浦南發會大風雨泊舟二日

陰霖忽浹日。夾岸繫戩戩。河上烟波渺。江南風雨多。春林迷鳥翼。寒浦隱漁簑。舟坐渾無事。時還發嘯歌。

○ ○ 二

樂府

文聲堂







霧隱松門

沉鄱易湖

不盡鄱湖水。茫茫入望賒。落星凝渚瘦。僂履引。峯斜波際。龜鼉影岸邊。橘柚蒼遊人。烟霧裡疑。泛斗牛槎。

○ ○ ○ 樵舍聳鐘

春漲曲通郵。溪遙憇客舟。鐘聲來歷歷。水面更。悠悠良夜喧。仍寂澄川咽。復流逢人還。借問云。自碧山頭。

鄱湖烟雨天水相接。但見雲端廬山絕頂。

濃霧纖廉。纖烟嵐天水。粘湖窮見雨。脚雲杪出。山尖波渺光。俱曙林疎影。亦潛誰能解。皴法摹入。画圖瞻。

○ ○ ○ 兒子青箱還濟南 五首

亦知兒當太。私心尚欲留。吾家得爾重。此別益。親愁百日寒。官舍三秋游。子舟羈懷今始亂。半。繫灤陽樓。

○ ○ ○ 二



父子依為命。胡然返敝廬。澆余種後竹。理我駐  
殘書。離合憑天意。功名惜歲餘。莫緣翁政拙。遂  
爾廢居諸。

三

憐伊方弱冠。兩度到江南。羨子游方廣。累兒學  
未酣。江湖忻順掉。資斧笑空函。爾父無奇政。逢  
人莫謾譚。

四

聳兒將北去。短髮白仍添。食息尋吾子。焦勞慰  
阿嚴。歸須娛母意。貧莫怨官廉。欲解思翁念。勤  
披挿架籤。

五

而翁病始愈。吾子即言歸。南國秋風楫。北堂冬  
日幃。功名慚墨綬。魂夢寄斑衣。望爾花朝發。來  
航迎雁蜚。

當日拜別北歸省

母吾一父。以此詩授朝

夕捧誦亦謂一時教言耳。不意遂成遺訓。終  
天之恨。夢寐追悔。每讀每慟。竟不知涕泗之



何從也悲夫 男青箱識

已見春光盡 征人尚帶留  
關河生旅夢 風日攪鄉愁  
入國蠶名月 還家麥已穠  
何緣能縮地 一上灤易樓

送弟奕紹東還 小試看花例  
來觀上國光 曉風江被暖  
春艸謝池芳 歲月如駒影  
功名每鴈行 歸挹灤上水  
好獻爾兄觴

端午孫毓祺親家招同劉充宿門兄飲  
嘉節日逢五 綺筵客聚三  
酌來燕市酒 同作故鄉譚  
久聚情偏洽 將離興倍酣  
無煩羨兢渡 明日放舟南

七夕 風上暮 清時方市駿  
良夕正 穿針久 盡簪曷能了  
此事一 遂故園心

柳葉桃



詩  
柳。桃。元。異。種。一。本。更。媽。然。風。動。桃。爭。笑。日。長。柳。  
欲。眠。海。榴。妬。舊。色。石。竹。競。芳。妍。藹。源。尋。不。見。陶。  
令。指。門。前。

九日

霜。露。初。交。候。閒。堦。葉。正。深。携。琴。游。曲。徑。把。酒。醉。  
遙。岑。鴻。雁。八。分。字。黃。蘂。三。品。金。盃。風。休。落。帽。短。  
髮。不。勝。簪。

二

三。徑。初。開。日。清。霜。點。散。袍。故。人。誰。送。酒。新。韻。正。

題。鮫。採。菊。賡。陶。句。紉。蘭。反。楚。騷。茱。萸。不。解。把。吾。  
手。已。持。螯。

賞菊

把。酒。東。籬。下。叢。藹。映。碧。甌。嬌。妍。雖。異。色。風。味。總。  
宜。秋。微。雨。姿。偏。潤。繁。霜。韻。更。幽。會。心。不。在。遠。三。  
徑。足。優。游。

二

不。但。同。人。聚。黃。蘂。也。盍。簪。幽。姿。澹。逸。興。高。韻。滌。  
煩。襟。秋。晚。寒。香。足。霜。清。艷。色。深。落。英。如。可。采。願。



遂楚臣心

問梅

望子亦云久。胡今尚未開。含章待霜雪。忍性耐風霾。時豈容高臥。人將慰永懷。五花如不出。誰信作羹才。

二

正復天寒甚。君開不可遲。風塵鍊骨性。冰雪淨威儀。雖耻乘餘閨。還應擅早時。春陽漸相及。蒼信莫仍違。

花朝雪中南發諸友餞于泉上

湖海南征日。名亭曉發初。鄉鄰欣把酒。童僕笑囊書。惜別泉盈耳。撩人雪滿裾。多情枝上鳥也。解和驪駒。

送史念冲郡伯之南昌

驅馬入江鄉。清秋一宦翔。下車看孺子。登閣詠滕王。召菱存吳郡。并州憶濟邦。到官未幾日。綸席已徵黃。

又代







良歌再賡。

壽喬明府

灤上神明宰。新分壯色符。花城初賣劍。菊月正懸弧。駿望迎竹馬。鴻膏潤鵲湖。僊喬今復現。雲際見雙鳧。

二

海屋僊籌滿。山城福曜臨。蓬玄方倚劍。單父已鳴琴。青嶂如群玉。黃花學斷金。函關多紫氣。環繞岱岩陰。

代壽學憲房母

萱堂藹春易。香生九醞觴。朋尊娛壽母。斗曜起文昌。玉砌芝蘭滿。錦屏琬琰充。欣瞻玄鳥至。知是發祥長。

賀朱父母萬民幃

齊城荷再造。萬戶盡含嬉。何以報明德。相將獻慶詞。朋尊娛茂宰。錦製列新詩。不盡蓬茅意。聊因介壽卮。

雪中抄王敬哉夫子存季州



抄詩方就帙。冷韻客總侵。佳思隨年進。新編對  
雪。嗟微言。撥宿悟。酣咏奪鄉心。歸思還何貯。瑤  
編伴劍鐔。

從虞祥所借抄座師王夫子勝引樓詩  
子自何方得。錫余勝引詩。生平愛此道。夢寐感  
吾師。具足傳千古。真難贊一辭。素心洵有契。知  
不屬阿私。

賀袁六完父母長公游泮時九叙在諫垣  
弱冠遊膠序。好音報宓堂。蒼城浮桂影。梧掖帶

芹香。髻歲宜青佩。鴻聲媿皂囊。試看循吏傳。自  
管發祥長。

賀艾蘭如公子允霞游泮

福時珠為樹。蒼山木作山。春秋鳴鳳翼。夙夜覲  
龍顏。日麗蒼磚影。香生玉筍班。老夫荷芰服。芝  
宇夢相攀。

賀謝生游泮

知君饒宿慧。游泮及青年。塘艸賡康樂。庭芝策  
謝玄。拈芹芳接踵。擢桂月隨肩。好奮扶桑翼。相



將入木天

○○○賀賈方揚公子入泮

青季營世學。累試壓文壇。庭訓傳細帙。家聲憶  
豸冠。洛文紙價貴。郢曲和人難。好趁扶搖力。彤  
墀奏治安。

○○○又代

珞珞空滿目。誰得亂竒琛。音水人如玉。雒陽紙  
似金。豸冠繩祖武。綵筆慰親心。早奏治安策。馳  
聲翰墨林。

○○○賀劉波海次子游泮

竇庭有義方。舞勺泮宮翔。事業如鵬翼。功名似  
鴈行。藜光煥秘閣。梧蔭映朝陽。年少稱岐嶷。二  
難相頡頏。

○○○賀郝長卿令弟游泮

杏園春色滿。兆子奮鵬程。豸繡家聲顯。衿裾佛  
胤榮。迺祖號。曬書當令節。振佩竝難兄。館閣方  
崇少。及時好策名。

○○○學宮號舍



洋芹帶春色。子衿焚夜膏。春蠶羣作繭。駿馬競揚鏹。成事工居肆。逢時汁染袍。積風不厭厚。萬里任遊遨。

賀鄧弁

忽改旌輦色。登壇及早春。但憑仗寶劍。誰復起腥塵。桑土綢繆遠。柳營日月新。只今麟閣上。有石勒奇勳。

賀賈弁

自是長沙畧。今開細柳營。鰲磽春洗甲。虎帳夜

譚兵一戰旄。頭息千秋麟。閣名東秦十二地。始信有長城。

郝水仲季兄舉次孫

蘭蔭繞芝庭。含飴哺寧馨。堦前疑立竹。膝上已占星。入掌成雙璧。詒謀在一經。佛孫原胤遠。

祖廼佛號郝貝葉正無停。時水仲禮佛念珠不忝手

李斗虛舉三子

庭上霸椿一階前。珠樹三青雲。騰海岳。紫氣出嶠函。繡祿珍彌麗。瑤尊酒倍酣。何煩閱史記。吾



為頌多男。

○○○ 輓趙啓之先生

夫子曷云歿。遙聳倍潛狀。蓋棺存白髮。僅未去

在笥有常編。精于易心殫黌宮裏。名高絳帳前。髮而逝

九原差可慰。已踰夢楹年。歿時七十四

○○○ 二

矍鑠如君少。詞壇久主盟。心希晉處士。業授魯

諸生門。李紛如蕪庭。槐蔭已成祇。今總帷裏猶

侶竹絲聲。

○○○ 田家

操鋤常揮汗。風來撲面塵。不憐農力竭。尚念穉

苗新護禾。如嬌子。瞻雲似故人。或來相告語。破

戶索租頻。

○○○ 二

田不如雞肋。一毫味也無。曾無顆粒得。已上半

季租。雨澤徒穿眼。蝗蝻又載塗。老農今已矣。無

力向天呼。

○○○ 三



薄田賣不忒。新賦又相催。大地旱苗病。彌天蠹  
子來。憂時如在夢。占雨亦空猜。無奈荷鋤立。咨  
嗟向艸萊。

○○○四

舉頭見日色。誰復問天心。哀我三年旱。何難半  
日霖。民生輕似葉。穀種貴如金。又復成空望。殘  
黎何以任。

懷麗明日渾樸真。至画得老農頽。糜欲動新

絲新穀之後。賴此嗣響。

○○○初夏從周際五方伯禱雨正覺禪林小憩

明無上人蘭若

平明策馬出。禱雨向禪林。車繞紫薇色。堂喧貝  
葉音。霏微香篆遠。淹霸法雲深。會食僧房內。遂  
生出世心。

○○○河上曉陰

已辭塵陌苦。寧復避煙波。積霧迷長岸。濃陰鎖  
大河。雨催雙槳促。風動一帆多。早起渾無事。臨  
流發肅歌。



樂函卷一終





